

«Ջերմուկ Գրուպ» ՓԲ ընկերության

ՀՀ Վայոց ձորի մարզի Ջերմուկի ածխաթթվային հանքային ջրի հանքավայրի թիվ IV-k հորատանցքից ջրի արդյունահանման ծավալի ավելացման աշխատանքների շրջակա միջավայրի վրա ազդեցության գնահատման հաշվետվության վերաբերյալ դիտողությունների և առաջարկությունների ամփոփաթեթ

<p>Շրջակա միջավայրի վրա ազդեցության գնահատման հաշվետվության (այսուհետ՝ Հաշվետվություն) «Ընդհանուր տեղեկատվություններ Ջերմուկի ածխաթթվային հանքային ջրերի հանքավայրի վերաբերյալ» բաժնում կլիմայի նկարագրության մեջ ներառել «Շինարարական կլիմայաբանություն ՀՀՇՆ II-7.01-2011». Նորմատիվային փաստաթղթերում առկա «Ջերմուկ» օդերևութաբանական կայանի կլիմայական տարրերի (օդի ջերմաստիճանի, հարաբերական խոնավության, քամի, մթնոլորտային տեղումներ) ամսական և տասնեկան տվյալները՝ արյուսակային տեսքով, իսկ կլիմայի նկարագրական տեքստը կազմելիս հենց այդ արժեքներից:</p>	<p>Դիտողությունը ներկայացվում է երկրորդ անգամ: Առաջին անգամ ներկայացվել է Նախնական գնահատման հայտի լրամշակման ժամանակ (տես Նախնական գնահատման հայտի վերաբերյալ դիտողությունների ամփոփաթեթը), որը գնահատվել և ընդունվել է: Համապատասխան տեղեկատվությունը ներկայացվել է Նախնական գնահատման հայտի լրամշակված տարբերակում, էջ 29-32, իսկ Հաշվետվության մեջ՝ էջ 31-35:</p>
<p>Հաշվետվության մեջ անհրաժեշտ է ընդգրկել Նախագծման համար ուղեցույց ծառայող իրավական ակտերի վերաբերյալ առանձին կետ՝ ներառելով իրավական ակտերը:</p>	<p>«Նախագծման նորմատիվ-իրավական հենք» ենթաբաժինը ներկայացված է եղել Հաշվետվության մեջ, էջ 23-24:</p>
<p>Հաշվետվության մեջ անհրաժեշտ է ներառել Նաև առանձին կետ՝ բնության հատուկ պահպանվող տարածքների վերաբերյալ, որտեղ անհրաժեշտ է հաշվի առնել, որ համաձայն ՀՀ բնապահպանության նախարարի «ՀՀ Վայոց ձորի մարզի բնության հուշարձանների անձնագրերը հաստատելու մասին» 2014թ. օգոստոսի 5-ի 219-Ն հրամանով հաստատված «Բախտի կամար» բնական քարե թունել բնության երկրաբանական հուշարձանի անձնագրի (Հավելված 1) և հայտով ներկայացված կորդինատային տվյալների համաձայն բնության հուշարձանի և հորատանցքի միջև ընկած հեռավորությունն ուղիղ գծով կազմում է մոտ 30մ, իսկ մինչև պահպանման գոտու սահման՝ մոտ 25մ, հետևաբար գործունեությունն իրականացնելիս անհրաժեշտ է առաջնորդվել անձնագրով սահմանված պահպանության և օգտագործման ռեժիմի առանձնահատկությունները, ինչպես նաև ներառել այն հայտի հետ ներկայացված բնապահպանական կառավարման պլանում:</p>	<p>Դիտողությունը ներկայացվում է երկրորդ անգամ: Դիտողությանը պատասխանվել է Նախնական գնահատման հայտի լրամշակված տարբերակում (տես Նախնական գնահատման հայտի վերաբերյալ դիտողությունների ամփոփաթեթը), իսկ Հաշվետվության մեջ էջ 46-48-ում ներկայացված է եղել առանձին կետով՝ «2.10. Վտանգված Էկոհամակարգեր և բնության հատուկ պահպանվող տարածքներ»: «Կիրճ» տեղամասի IV-k հորատանցքը հորատվել և շահագործական պաշարները հաստատվել են դեռևս 1965թ.-ին, իսկ շահագործումն սկսվել է 2016թ.-ից: Նշված գործունեությունն իրականացվել է հաշվի առնելով ՀՀ բնապահպանության նախարարի «ՀՀ Վայոց ձորի մարզի բնության հուշարձանների անձնագրերը հաստատելու մասին» 2014թ. օգոստոսի 5-ի 219-Ն հրամանով հաստատված «Բախտի կամար» բնական քարե թունել բնության երկրաբանական հուշարձանի անձնագրով սահմանված պահպանության և օգտագործման ռեժիմի</p>

	<p>առանձնահատկությունները, որոնք կապահպանվեն նաև նախատեսվող գործունեությունն իրականացնելիս:</p> <p>Ինչ վերաբերում է բնապահպանական կառավարման պլանին, ապա այն ներկայացվում է նախագծի և Հաշվետվության հետ, այլ ոչ թե Հայտի: Բնության հատուկ պահպանվող տարածքների վերաբերյալ տեղեկատվությունը ներառվել է նաև բնապահպանական կառավարման պլանում էջ 4:</p>
<p>Բնապահպանական կառավարման պլանի 3. Բնապահպանական միջոցառումներ կետում նախատեսել նաև բուսական և կենդանական աշխարհի պահպանությանն ուղղված միջոցառումներ:</p>	<p>Հանքավայրի տարածքում կենդանիների բներ, որջեր չեն դիտարկվել: Չեն արձանագրվել նաև ՀՀ բույսերի և կենդանիների Կարմիր գրքերում նշված բուսական կամ կենդանական տեսակներ: Հաշվի առնելով այն հանգամանքը, որ նախատեսվող գործունեության և նրա հարակից տարածքում արդեն իսկ առկա է մարդկային գործոնը, կենդանիների տեսակների հանդիպելը քիչ հավանական է: IV-k հորատանցքի տարածքը հիմնականում քարքարոտ, բուսազուրկ տարածք է, բացակայում է հողի բերրի շերտը, չկան անտառապատ տարածքներ: Հաշվի առնելով նախատեսվող աշխատանքների բնույթն ու տևողությունը (մինչև երկու օր), ազդեցությունը շրջակա միջավայրի վրա լինելու է գրոյական և չի հանգեցնելու էկոհամակարգերի վրա բացասական ճնշումների դրսևորմանը, ինչպես նաև՝ արտանետումների և թափոնների առաջացմանը, հետևաբար բուսական և կենդանական աշխարհի պահպանությանն ուղղված միջոցառումներ չեն նախատեսվում:</p>
<p>Հայտում ներկայացնել տեղեկատվություն, թե որքան է հորատանցքից մինչև առողջարան խողովակի մղման բարձրությունը:</p>	<p>Դիտողությունը ներկայացվում է երկրորդ անգամ:</p> <p>Առաջին անգամ ներկայացվել է նախնական գնահատման հայտի լրամշակման ժամանակ (տես նախնական գնահատման հայտի վերաբերյալ դիտողությունների ամփոփաթեթը), որը գնահատվել և ընդունվել է: Համապատասխան տեղեկատվությունը ներկայացվել է նախնական գնահատման հայտի լրամշակված տարբերակում, (IV-k հորատանցքից մինչև «Գլածոր» առողջարան ջրի մղման բարձրությունը կազմում է շուրջ 109մ, էջ 8), իսկ Հաշվետվության մեջ՝ (էջ 8)</p>
<p>Հորատանցքի խողովակի պոմպի համար օգտագործվող էներգիայի աղբյուրը և</p>	<p>Դիտողությունը ներկայացվում է երկրորդ անգամ:</p>

<p>խողովակաշարի անխափան շահագործման միջոցառումները:</p>	<p>Առաջին անգամ ներկայացվել է նախնական գնահատման հայտի լրամշակման ժամանակ (տես նախնական գնահատման հայտի վերաբերյալ դիտողությունների ամփոփաթեթը), որը գնահատվել և ընդունվել է: Համապատասխան տեղեկատվությունը ներկայացվել է նախնական գնահատման հայտի լրամշակված տարբերակում, էջ 8), Հաշվետվության մեջ՝ էջ 8:</p>
<p>Հավելված բաժնում կցել «Բախտի կամար» բնության հուշարձանի անձնագիրը:</p>	<p>«Բախտի կամար» բնական քարե թունել բնության հուշարձանի անձնագիրը ներկայացվում է ի լրումն «Հավելված»-ի:</p>
<p>ՀՀ Քաղաքաշինության կոմիտե. (պայման) Հետագա գործառույթները ՀՀ օրենսդրության և Նորմատիվատեխնիկական փաստաթղթերի պահանջներին համապատասխան իրականացման պայմանով:</p>	<p>«Ջերմուկ Գրուպ» ՓԲ ընկերությունը պարտավորվում է նախատեսվող գործունեությունը իրականացնել համապատասխան ՀՀ օրենսդրության և Նորմատիվատեխնիկական փաստաթղթերի պահանջներին:</p>
<p>ՀՀ ԱԻՆ. (առաջարկ) Հաշվետվության մեջ ներկայացված «Օդի աղտոտվածության հաշվետվություն»-ը (էջ 53-60) ներկայացնել հարերեն լեզվով՝ համաձայն «Լեզվի մասին» ՀՀ օրենքի (ՀՕ -52, 30.03.1993թ.) 4-րդ հոդվածի:</p>	<p>Առաջակը հնարավոր չէ իրականացնել, քանի որ այն չի համապատասխանում Հաշվետվության էջ 53-60-ում ներկայացված նյութին:</p>
<p>ՀՀ Կադաստրի կոմիտե. Շրջակա միջավայրի վրա ազդեցության գնահատման լրամշակված նախագծի մեջ թիվ IV-k հորատանցքի՝ 7-րդ և 8-րդ էջերում ներկայացված կորոդիկատները միմյանց չեն համապատասխանում:</p>	<p>Լրամշակված նախագծի էջ 7-ում ներկայացված են աշխարհագրական կորոդիկատները, իսկ էջ 8-ում կորոդիկատները ներկայացված են ARM WGS-84 համակարգով, ինչը Հաշվետվության «Հավելված» բաժնում ներկայացվում է Հողամասի հատակագծով :</p>

Ինչ վերաբերվում է ԿԳՄՍ նախարարության կողմից ներկայացված պայմանին, տեղեկացնում են, որ Ջերմուկի ածխաթթվային հանքային ջրի հանքավայրի «Կիրճ» տեղամասի թիվ IV-k հորատանցքից ջրի արդյունահանման ծավալի ավելացման աշխատանքների ազդեցությունը շրջակա միջավայրի վրա, հաշվի առնելով նախատեսվող գործունեության բնույթը, լինելու է զրոյական:

Մթնոլորտային օդի և ջրային ռեսուրսների, հողային ծածկույթի, կենսաբազմազանության և պատմամշակութային հուշարձանների վրա ազդեցությունը բացակայում է:

IV-k հորատանցքից ջրի արդյունահանման ծավալի ավելացման աշխատանքների բնույթով պայմանավորված, դրանց իրականացման արդյունքում բնական ռեսուրսների և շրջակա միջավայրի դեգրադացիա հնարավոր չէ:

Ելնելով վերոգրյալից հայտնում են, որ տվյալ տարածքում կատարված հնագիտական ուսումնասիրությունների եզրակացությունների ներառում, ինչպես նաև հուշարձանների և հուշարձանակիր տարածքների մասին եզրակացությունը փառլոմումակ մասնագետների ընդգրկման անհրաժեշտություն չկա :

«Ջերմուկ Գրուպ» ՓԲ ընկերության լաբորատորիայի վարիչ Տեխ.գիտ.թեկնածու՝



Գ. Կարապետյան